



登科記考卷二十五

大興孫松

後梁太祖神武元聖孝皇帝

開平元年

丁卯 即唐
天祐四年

四月甲子皇帝即位戊辰大赦改元

新五代史本紀 舊五代史本紀云帝初受禪求理尤切

委宰臣搜訪賢良或有在下位抱負器業久不得伸者特加擢用有明政理得失之道規救時病者可陳章疏當親鑒擇利害施行然後賞以爵秩有晦跡邱園不求聞達者令彼長吏備禮邀致冀無遺逸之恨

七月

冊府元龜
作六月

敕近年舉人當秋薦之時不親試者號為拔解今

後宜止絕

舊五代史選舉志 五代會要

進士

按梁以四月受禪進士二月放榜此年進士已見唐天祐四年

二年

戊辰

正月癸酉諸道貢舉一百五十七人見於崇元門

舊五代史梁紀

四月敕賜劉斥同進士及第仍編入今年榜內第八人

五代會要

五月敕禮部所放進士薛鈞是左司侍郎薛廷珪男方持省轄固

合避嫌其薛鈞宜令所司落下

五代會要 冊府元龜載于二年五月今從會要

七月癸巳以禪代已來思求賢哲乃下令搜訪牢籠之期以好爵

待以優榮各隨其材咸使登用宜令所在長吏切加搜訪每得其

人則疏姓名以聞如在下位不能自振者有司薦導之如任使後

顯立功勞別加遷陟

舊五代史梁紀

進士十八人

崔邈

狀元見玉芝堂談薈

陳沆

鄭希閔

永樂大典引蕭陽志開平二年

陳沆鄭希閔

同第進士

鄭雍

一作鄭致雍似因陳致雍而誤玉堂閒話鄭雍學士未第時求婚于白州崔相公遠纔

允許而博陵有事女則隨例填宮至朱梁開平之前崔氏在內託疾敕令出宮還其本家鄭則復託媒氏致意選日親迎士族婚禮

隨其豐儉亦無所闕尋有莊盆之感又杖經期周莫不合禮士林以此多之美稱籍甚場中翹足望之一舉甲科封尚書榜下脫白

授祕書

廖澄

十國春秋廖澄順昌人少負忠義舉梁開平二年進士

劉斥

見上

韋洵美

兼內翰

侍兒小名錄引燈下閑笑韋洵美先輩開平歲及第受鄴都從事

辟焉按洵美所寵素娥為羅紹威所奪紹威於開平三年冬已

病開平元年又

無榜故載於此

諸科五人

知貢舉中書舍人封舜卿

舊五代史封舜卿傳舜卿仕梁為禮部侍郎知貢舉開平三年奉使幽州

以門生鄭致雍從行復命之日又與致雍同受命入翰林為學士致雍有俊才舜卿雖有文詞才思拙澀及試五題不勝困弊因託致雍秉筆時以為座主辱門生按舊史梁紀開平元年十月有中書舍人封舜卿又言工部侍郎張策轉禮部侍郎二年四月策始為刑部侍郎則舜卿知舉時為中書舍人未為禮部侍郎也本傳誤

三年

己巳

十一月己酉搜訪賢良

新書五代史梁紀制曰自開創以來凡有赦書德音節文內

按冊府元龜載三年

皆委諸道搜訪賢良尙慮所在長吏未切薦揚其有卓犖不羈沈潛用晦負王霸之業蘊經濟之謀究古今刑政之源達禮樂質文之奧機籌可以制變經術可以辨疑一事軼羣一才拔俗並令招聘旋具奏聞然後試其所長待以不次所貴半寵俊傑採摭英翹當卽是年詔書

是年敕條流禮部貢院每年放明經及第不得過二十人

冊府元龜

進士十九人

諸科四人

博學宏詞科二人

余渥

見冊府元龜

李愚

見冊府元龜

四年

庚午

九月甲午詔曰朕聞歷代帝王首推堯舜爲人父母孰比禹湯睿

謀高出於古先聖德普聞于天下尙或卑躬待士屈己求賢俯仰

星雲慮一民之遺逸網羅巖穴恐片善之韜藏延爵祿以徵求設

丹青而訪召使其爲政樂在進賢蓋繇國有萬機朝稱百揆非才

不治得士則昌自朕光宅中區迄今三載宵分輟寐日旰忘餐思

其力於廟謀庶永清于王道而乃朝廷之內或未盡於昌言軍旅之間亦罕聞于奇策眷言方岳下及山林豈無英奇副我延佇諸道都督觀察防禦使等或勳高翊世或才號知人必於塗巷之賢備察芻蕘之士詔到可精搜郡邑博訪賢良喻之以千載一時約之以高官美秩諒無求備唯在得人如有卓犖不羈沈潛自負通霸王之上略達文武之大綱究古今刑政之源識禮樂質文之變朕則待之不次委以非常用佐經綸豈勞階級如或一言拔俗一事出羣亦當舍短從長隨才授任大小方圓之器甯限九流溫良恭儉之人難誣十室勉思薦舉勿至因循俟爾發揚慰予翹渴仍

從別敕處分

舊五代史梁紀 按新書五代史梁紀四年九月辛亥搜訪賢良疑卽此詔而日互異

十二月兵部尙書知貢舉姚洎奏曰近代設詞科選胄子蓋所以綱維名教崇樹邦本者也曩時進士不下千人嶺徼海隅偃風嚮化近歲觀光之士人數不多加以在位臣僚罕有子弟就其寡少復避嫌疑實恐因循漸爲廢墜今在朝公卿親屬將相子孫有文行可取者請許所在州府薦送以廣毓才之義從之

冊府元龜 五代會要

舊五代史選舉志載于開平元年四月按二年知舉爲封舜卿非姚洎故不從薛史

進士十五人

諸科一人

乾化元年

辛未

五月甲申朔大赦改元

新五代史梁紀

進士二十人

諸科十人

知貢舉 兵部尚書姚洎

見上

二年

壬申

六月太祖遇弒友珪自立

新五代史梁紀

進士十一人

諸科一人

此目等處對前賢及後賢此篇而曰其
諸正外史梁紀 則詳焉正外史梁紀四

知貢舉

尚書左僕射楊涉

冊府元龜乾化元年十二月以尚書左僕射楊涉知禮部貢舉非常例也

後梁均王

乾化三年

癸酉

正月甲子郢王友珪大赦改元鳳厯

通鑑

二月均王友貞誅友珪卽帝位復稱乾化三年

通鑑

進士十五人

聶嶼

舊五代史本傳嶼鄴中人少爲僧漸學吟詠

趙都

冊府元龜乾化中翰林學

士鄭珏連知貢舉鄴中人聶嶼與鄉人趙都俱隨鄉薦都納賄于珏人報翌日登第嶼聞不捷詎來人以嚇之珏懼亦俾成名

王易簡

宋史本傳易簡字國寶京兆萬年人曾祖肱祖遠父貫易簡少好學工詩梁乾化中邵王友誨鎮陝易簡舉進士詣

府拔解友誨贈錢二十萬明年遂擢第三唐詩紀事易簡唐末進士梁乾化中及第名居榜尾不看榜卻歸華山尋就山釋褐授華

州幕職後召入拜左拾遺又辭官歸隱留詩一絕曰汨沒朝班愧
不才誰能低折向塵埃青山得去且歸去官職有來還自來按四
年停舉故

附此年

皮光業

吳越備史光業字文通世為襄陽人父日休

十歲能屬文及長以其所業謁武肅累署浙西節度推官賜緋命
入貢京師梁後主特賜進士及第按賜及第蓋非登第也事在

貞明前當附是年

鄧名世古今姓氏書辨證云皮

日休蘇州刺史生光業光業生元帥府判官文燦

知貢舉

禮部侍郎鄭珏

舊五代史鄭珏傳珏入梁為補闕起居
郎召入翰林累遷禮部侍郎充職通

鑑貞明二年十月丁酉以禮部侍郎鄭珏為中書侍郎同平章事
侯鯖錄唐末五代權臣執政公然交賂科第差除各有等差故

當時語云及第不必

讀書作官何須事業

四年

甲戌

停舉

尚書主簿張勳

勳字勳時豐州刺史勳
勳字勳時豐州刺史勳

貞明元年

乙丑 蘇頌昌撰

十一月乙丑改元

新書五代史梁紀

進士十三人

諸科二人

二年

丙子

進士十二人

何澤

通鑑注引薛史曰何澤廣州人梁貞明中清海節度使劉陟薦其才以進士擢第

何澤韶陽曲江人也父鼎容管經略有文稱澤乾甯中隨計至三

峯行在永樂崔公即澤之同年丈人也聞澤來舉乃以一絕贈之

曰四十九年前及第同年唯有老夫存今日殷勤訪我子穩將鬢

鬣上龍門時主文與奪未公又會相庭有所阻因之敗于垂成後

漂泊關外梁太祖受禪澤假

廣南幕職入貢敕賜及第

諸科一人

三年丁丑

進士十五人

唐詩紀事貞明三年薛廷珪以宮漏出花遲為詩題

和凝

舊五代史本傳凝字成績汝陽須昌

人曾祖敞祖濡父矩凝幼而聰明姿狀秀拔神采射人少好學書一覽者咸達其大義年十七舉明經至京師忽夢人以五色筆一束與之謂曰子有如此才何不舉進士自是才思敏贍十九歲進士第以周顯德二年卒年五十八推之貞明二年為十九歲然是年進士十二人疑不得云十三人及第蓋登三年之榜也按東都事略邵氏聞見錄西谿叢語澠水燕談皆言和凝第十三人及第舊五代史本傳凝字子文博陵安平人曾傳作第五人誤崔悅祖元受舉進士直史館祖銖安濮二州刺史父涿刑部郎中悅少好學梁貞明年舉進士甲科為開封尹王瓚從事張鑄宋史本傳鑄字司祖居卿祖楊父文蔚鑄梁貞明三年舉進士補福昌尉

諸科二人

知貢舉

禮部尚書薛廷珪

贈太尉葛從周神道碑題云銀青光祿大夫禮部尚書權知貢舉上柱國

臣薛廷珪奉敕撰按碑立於貞明二年十一月是廷珪知三年舉矣

四年

戊寅

進士十二人

陳逖

王芝堂談薈載貞明某年狀元陳逖未知其年附此俟考太平廣記引稽神錄泉州文

宣王廟庭中有阜莢樹每州人將登第則生一莢梁貞明中忽然生一莢有半其年州人陳逖進士及第黃仁穎學究及第仁穎恥之復登進士舉至同光中舊生半莢之所復生全莢其年仁穎及第

明經科

黃仁穎

見上

諸科二人

五年 己卯

進士十三人

諸科一人

尹拙

宋史儒林傳尹拙潁州汝陰人梁貞明五年舉三史調補下邑主簿

六年

庚辰

五月詔曰有進士策名累年未釋褐者與初任一官已釋褐者依

前資敘用

舊五代史梁紀

進士十二人

許鼎

唐詩紀事鼎唐末詩人至梁貞明六年始登第

李京

唐詩紀事京唐末詩人至

梁貞明六年登第

諸科三人

龍德元年辛巳 宋鑒可進臣制時市飲極林泉並委後園具宴賦

正月丙戌朔改元通鑑 曰開元永寶開至熙寧善大寶開

停舉史書 陳正外

二年壬午 元鑒可進臣制時市飲極林泉並委後園具宴賦

進士十四人 **黃損** 十國春秋黃損字益之連州人登龍德二年進士第 **趙瑩** 舊五代史本傳瑩字

元輝華陰人曾祖溥祖孺父居晦瑩風儀美秀性復純謹梁龍德中始解褐為康延孝從事 **顏衍** 宋史本傳衍字祖德

兗州曲阜人自言充國公四十五世孫梁龍德中擢第解褐授北海主簿

諸科二人 明皇帝登天郊祀天歸曰丙戌文冠官又前晉人外持

後唐莊宗光聖神閔孝皇帝